

ՔԱՂԱՔԱԿԱՆ ՏԵՍՈՒԹԻՒՆ

ԵՐՈՊԱԿԱՆ ՔԱՂԱՔԱԿԱՆ ԴՐՈՒԹԻՒՆԸ ԵՒ ԱՖՐԻԿԱՅԻ
ԲԱԺԱՆՈՒԾԸ

Եւրոպայի բարձր քաղաքականութիւնը, որպէս տարիներ առաջ, նոյնպէս և այժմ՝ զբաղւած է այն դրութիւնով, որ ստեղծւած է եռապետեան դաշնակցութիւնով Գերմանիայի, Աւստրիա-Ունգարիայի և Իտալիայի մէջ: Յայտնի է, որ այդ հզօր դաշնակցութեան պատճառով՝ Ֆրանսիայի և Ռուսիայի մէջ տարիներ առաջ սկսեցին բարեկամական յարաբերութիւններ, որպէս զի այդ երկու պետութիւնների բարեկամութիւնով կարելի լինի մի հակակշիռ ստեղծել Եւրոպայի կենտրոնական երեք պետութիւնների արտաքին քաղաքական միութեան:

Թէ Ֆրանսիական և թէ ռուսական մամուլը, — այդ դէպքում բոլորովին համաձայն իրանց կառավարութիւնների տրամադրութեան, — տարիներ շարունակ աշխատում են Ֆրանսիական և ռուսական բարեկամութիւնը ամրացնել ամեն կերպ: Ֆրանսիան իւր կողմից այս վերջին տարիներում մի ամբողջ գրականութիւն ստեղծեց Ռուսիայի վերաբերեալ, աշխատելով Ֆրանսիացիների մէջ ժողովրդականացնել ռուսաց գրականութիւնը յանձին սորա լաւագոյն ներկայացուցիչների, որպիսիք են Դուստոեւսկի, Տուրգենչեւ, Տոլստոյ, Թարգմանելով սոցա լաւագոյն գրածքները. նա տւեց մի մեծ շարք քննական յօդածների և պատմական շարադրութիւնների թէ ռուսաց գրականութեան և թէ ազգութեան ու պատմութեան վերաբերեալ: Սի խօսքով ռուսաց անունը Ֆրանսիայում, այս վերջին տարիներում, չափազանց ժողովրդականութիւն է սկսել վաչել, որ և արուստացուում է հասարակական և քաղաքական կեանքի ամեն մի:

երևույթի մէջ: Ֆրանսիան, այդ հանգամանքի շնորհիւ, Բալկանեան թերակղզու խնդիրներում, կանգնած է Ռուսիայի կողմը, որպէս Ռուսիան Ֆրանսիայի կողմն է այլ և այլ միջազգային խնդիրներում, ուր սա առանձին շահեր ունի, օրինակ հենց Եգիպտոսի խնդրում, որի մէջ Ֆրանսիան բացայայտ հակառակութեան մէջ է Անգլիայի հետ:

Այս այսպէս: Բայց Ռուսիայի և Ֆրանսիայի մէջ չը կայ մի կապւած գրաւոր դաշնադրութիւն, ինչպիսին կայ Գերմանիայի, Աւստրիա-Ունգարիայի և Իտալիայի մէջ: Եւ թէև մի դիպումատու-պուրիցիստ, պ. Տաուշէեւ, նորերումս յայտնեց «Ռուսսկի Վեստնիկ» ամսագրում, թէ Ֆրանս-ռուսական բարեկամութիւնը խօսքից գործի է փոխադրել և երկու հղօր պետութիւնների մէջ գրաւոր դաշնակցութիւն է կապել, բայց այդ բանին հաւատ ընծայել դժւար է:

Բայց կապւած է թէ ոչ, հանգամանքը ինքն ըստ ինքեան ծանրակշիռ է, որ Ռուսիայի և Ֆրանսիայի մէջ եղած քաղաքական բարեկամութիւնը արդէն այնքան խոր արմատներ է գցած երկու ազգերի ոչ միայն կառավարական, այլ և մամուլի և հասարակութեան հեռու խաւերի մէջ, որ այդ իրողութիւնը արդէն իբրեւ ներկայ և մօտ ապագայի քաղաքականութեան կարեւոր գործիչներից մէկը պէտք է համարել, իւր նշանակութիւնով եթէ ոչ բոլորովին հաւասար, գոնէ մեծապէս չեզոքացնող եռապետեան դաշնակցութեան ոյժը:

Այսպիսով Եւրոպայի քաղաքական աշխարհը երկու բոլորովին որոշ կոմբինացիաների ազդեցութեան ներքոյ է, մի կողմից՝ Գերմանիան, Աւստրիա-Ունգարիան և Իտալիան, միւս կողմից՝ Ռուսիան և Ֆրանսիան:

Բայց դորանով դեռ ամեն բան ասւած չէ: Գոյութիւն ունի նաև մի երրորդ համակարգութիւն, անկախ այդ առաջիններից: Բանը ահա ինչու՞ն է. Իտալիան, որը մտնում է եռապետեան դաշնակցութեան մէջ, ամեն տեսակ պաշտպանութիւն գտնել չի կարող Գերմանիայից և մանաւանդ Աւստրիա-Ունգարիայից: Եւ մինչև անգամ կարելի է ասել, որ Իտալիայի բարեկամութիւնը աւելի Գերմանիայի հետ է, քան Աւստրիայի, որի հետ նա այժմ թէև ոչ միայն հաշտ է այլ և բարեկամ, բայց որի հետ սրտակցութիւն չի կարող ունենալ, քանի որ Իտալիայում գոյութիւն ունի այն հայրե-

նասերների միութիւնը, որը «Խալիա Իրրիդենտա» անունով պահանջում է Աւստրիայից սորա դեռ ևս իտալական երկիրները (Հարաւային Տիրոլ, Տրիենտ և Տրիեստ քաղաքները): Եւ չի կարող լինել Խալիայում մի միւնիստր, որը իւր սրտի խորքում նոյն զգացմունքը չ'ունենայ: Բայց հարկը պահանջում է, որ իտալական կառավարութիւնը այդ զգացմունքը քաղաքական ձգտումների հիմք չը շինէ, թէ չէ նա կը զրկւի Գերմանիայի բարեկամութիւնից:

Այդ այսպէս լինելով, Խալիայի համար ժամանակի մեծ խնդիրն է ոչ թէ ձեռք բերելը այն երկիրների, որոնց հետ նա ցեղական և պատմական կապերով կապւած է, երկիրների, որոնց համար խնդիր յարուցանելը կարելի է նաև ապագայում Խալիայի համար ամեկարևոր խնդիրը կազմում է Միջերկրական ծովի վերայ իշխող դիրք բռնելը, քանի որ դորանից կախւած է Խալիայի որպէս առաջնակարգ պետութեան թէ քաղաքական և թէ առևտրական ապագան: Արդ, հենց այդ բանի մէջն է, որ Խալիան իւր մեծ հակառակորդն է տեսնում Ֆրանսիայի մէջ, որը, 1881 թւականին, վերցնելով Տունիւր, որի վերայ Խալիան աչք ունէր, վերջինիս կօլօնիական քաղաքականութեան թշնամու հարւածը տւեց: Այդ ժամանակւանից սկսում է յայտնի թշնամական դիրք բռնելը Խալիայի կողմից Ֆրանսիայի դէմ, Ֆրանսիայի, որ կարողացաւ պահպանել ամենամեծ սոււնաստրութիւն Գերմանիայի բարեկամութեան վերայ յոյսեր դրած Խալիայի դէմ:

Բայց եթէ Գերմանիայի (և Աւստրիա-Սլոնգարիայի) հետ դաշնակից լինելով կարելի էր առանց անմիջական վտանգի Ֆրանսիայի դէմ անբարեկամական դիրք բռնել և նորան խօսքով վիրաւորել, բայց Խալիան չէր կարող այդ դաշնակցութեան վերայ հիմնելով Ֆրանսիայի դէմ դրական քաղաքականութիւն առաջ տանել մանաւանդ Միջերկրական ծովում և աւելի հեռու երկիրներում, որովհետև Գերմանիան հեռաւոր երկիրների համար, կօլօնիական քաղաքականութեան մէջ ինքը կարօտ է մի ծովային հզօր պետութեան եթէ ոչ պաշտպանութեան, գէթ նորա բարեկամութեան:

Ահա ինչու Ֆրանսիայից հեռացած Խալիան մեծ գին պէտք է դնէր Անգլիայի բարեկամութեանը, որի շահերը շատ և շատ կէտերում շփուում են Ֆրանսիական շահերի հետ՝ թէ Տունիսիայում,

ուր Անգլիան առանձնաշնորհութիւններ ունի, որոնք հաճելի չեն Ֆրանսիային, թէ եգիպտոսում, ուստից Անգլիան իւր զօրքերը չի հեռացնում հակառակ Ֆրանսիայի պահանջութիւններին, թէ Մադագասկար կղզում, ուր Ֆրանսիական գերիշխանութեան դէմ Անգլիան անդադար ինտրիգներ է լարում և թէ ուրիշ տեղերում: Այդ պարագաների մէջ ունենալ իբր բարեկամ Իտալիայի պէս մի պետութիւն, որը զօրեղ նաւատորմիղ ունի և կօլօնիական քաղաքականութեան մէջ ներգործող դեր է սկսում խաղալ՝ Անգլիայի համար շատ հաճելի պէտք է լինէր. և Իտալիան մօտեցաւ Անգլիային, որի հետ միասին աւելի մեծ յաջողութեամբ կարող է իւր հակա-Ֆրանսիական քաղաքականութիւնը առաջ տանել, քան եթէ միայն Գերմանիայի հետ իւր բարեկամութիւնը պահպանէր:

Դորանից ծագեց և հաստատուեց իտալական-անգլիական բարեկամութիւնը, որ հիմնւած է ոչ գրաւոր դաշնակցութեան, այլ շահերի միութեան վերայ: Այդ բարեկամութեան առաջին և առ աջժամակ պտուղն է այն վստահութիւնը, որ ունեցաւ Իտալիան Կարմիր ծովի աֆրիկական ափում օրինապէս ոչ ոքին չը պատկանող Մասսաուա քաղաքը զէնքի ոյժով ձեռք բերելու և այդ տեղից իւր ազդեցութիւնը Արիսինիայի կողմերը տարածելու համար:

Գրեթէ նոյնաժամանակ բայց դեռ դորանից էլ առաջ Գերմանիան, Իիսմարիի օրերով, սկսեց իւր կօլօնիական քաղաքականութիւնը, հիմնւած իւր նորաստեղծ և արդէն բաւականի զօրեղ նաւատորմիղի վերայ: Իւր այդ քաղաքականութեան մէջ Գերմանիայի համար անհրաժեշտ էր Անգլիայի նման տիրապետող ծովային պետութեան ոչ-հակառակութիւնը. որովհետեւ չը բռնւած երկիրներ մինչ այս վերջին տարիներս միմիայն Աֆրիկայում կային, ուստի բնական է որ գերմանական կօլօնիական քաղաքականութիւնը լարեց դէպի Աֆրիկա, գլխաւորապէս այդ մեծ ցամաքի արեւելեան կողմերը, ուր մեծատարած երկիրներ կան, մահմեդական և այլ, որոնք նշանակւած են երեւում եւրոպացոց ձեռքն ընկնելու:

Մենք կը վերադառնանք այդ աֆրիկական խնդրին, բայց աչքից բաց չը թողնենք Եւրոպայի պետութիւնների քաղաքական կոնստիւկցիան, որը, ինչպէս բոլորում է մեր ասածներից, հետեւեալն է՝

Մի խումբ՝ Գերմանիան, Աւստրիա-Ունգարիան և Իտալիան,

որոնց զբաւոր դաշնակցութիւնը լարւած է մէկ կողմից Ֆրանսիայի, միւս կողմից Ռուսիայի դէմ:

Երկրորդ խումբ՝ Ռուսիան և Ֆրանսիան, որոնց ոչ-զբաւոր դաշնակցութիւնը նշանակւած է դիմադրելու այդ առաջին խմբի, այսինքն եռապետութեան ձեւման:

Երրորդ խումբ՝ Անգլիա, Իտալիա և Գերմանիա, որոնց բարեկամութիւնը պայմանաւորւած է գլխաւորապէս նոցա կօլօնիական շահերի հակառակութիւնով Ֆրանսիականի հետ:

Այսպիսով մենք տեսնում ենք, որ Գերմանիան և Իտալիան մտնում են երկու առանձին դաշնակցութիւնների մէջ, որոնցից մէկում (ցամաքայինի համար) գերիշխողն է Գերմանիան, միւսում (ծովայինի համար)՝ Անգլիան: Աւստրիա-Ունգարիան միայն մէկ դաշնակցութեան անդամ է, որով նա պաշտպանւում է Ռուսիայից: Ֆրանսիան մէկի (Ռուսիայի) բարեկամութիւնն է վայելում, բայց ենթակայ է երկու բացայայտ կամ ոչ բացայայտ դաշնակցութիւնների՝ թէ ցամաքի համար և թէ ծովի համար: Ռուսիան վայելում է Ֆրանսիայի բարեկամութիւնը, ենթակայ լինելով մի թշնամական դաշնակցութեան հակառակութեան, ցամաքի կողմից: Անգլիան աւելի մեծ կամ նւազ կերպով բարեկամութիւն է ցոյց տալիս և ինքն էլ վայելում մի ոչ-զբաւոր կիսա-դաշնակցութեան կողմից (Իտալիայի և Գերմանիայի հետ), ենթակայ չլինելով ոչ մի բացայայտ դաշնակցութեան թշնամութեան, բայց և այնպէս կրելով կողմնակի կերպով Ֆրանս-ռուսական բարեկամութեան հետեւն քննելը, որքանով որ սոքա կարող են անգլիական գործերի վերայ արտափայլել:

Այն խնամքը, որ տանում է Գերմանիան Անգլիայի հետ աւելի սերտ կերպով կապւելու համար, բացատրւում է այն նշանակութիւնով, որ ունի Անգլիան եւրոպական և մանաւանդ Արևելեան խնդիրների մէջ և երկրորդ այն գերիշխանութիւնով, որ ունի Անգլիան հեռաւոր ծովերի վերայ, ուրեմն կօլօնիական քաղաքականութեան մէջ: Եւ միայն շատ բնական է, որ Անգլիան ամենից քիչ շահ ունի ինքը զբաւոր ամուր պայմաններով կապւելու որ և իցէ ուրիշ տերութեան հետ, կոչւի վերջինս Իտալիա թէ Գերմանիա: Այդ իսկ պատճառով Անգլիայի բարեկամութիւնը Իտալիայի և Գերմանիայի հետ ամենից նւազ ամուրն է և կարող է տեղեկան լի-

նել միայն քանի որ Անգլիայում այժմեայ Սոյսբրեան մինիստրութիւնը կայուն է։ Սորա փոխելով կարող են նաև այդ բարեկամութեան հիմունքները փոխել։ Դորա հակառակ՝ եռապետեան դաշնակցութիւնը աւելի տեղական նշանակութիւն ունի, հետևապէս նաև ֆրանս-ռուսականը։

Մենք տեսանք, որ քաղաքական դաշնակցութիւնների և բարեկամութիւնների հետևանքները արտայայտուել են եւրոպական պետութիւնների այժմեայ գաղթական քաղաքականութեան վերայ։ Մինչև այս վերջին տասնեակ տարին եւրոպական մեծ պետութիւններից մի քանիսը չունէին հեռաւոր կոլոնիաներ։ Ռուսիան ձեռք է բերում հեռաւոր երկիրներ միայն Ասիայում, բայց միայն ընդարձակելով իւր պետութեան սահմանները։ Միւս պետութիւնները այդ յարմարութիւնը չունեն և նոքա ստիպւած են հեռու ծովերում, նաւատորմըներով երկիրներ ձեռք բերել։ Մեծ պետութիւններից Անգլիան և Ֆրանսիան միայն ունէին ընդարձակ կոլոնիաներ աշխարհքիս բոլոր մասերում։ Բայց այդ կողմից Անգլիայի հաւասարը չը կայ։ Աւստրիա-Ունգարիան այժմ էլ չունի ոչ մի կտոր հող իւր սահմաններից դուրս։ Գերմանիան և Իտալիան միայն այս վերջին տասնեակ տարիներում ձեռք բերին կոլոնիաներ և այն, ինչպէս տեսանք՝ Աֆրիկայում։ Իտալիայի կոլոնիական սկզբնաւորութիւնը դրւած է Կարմիր ծովի աֆրիկեան ափում՝ Մասսաուայում, որտեղից նա կամաց կամաց ընդարձակոււմ է դէպի Աբեսինիայի կողմերը և այդ երկիրը աշխատում է գցել իւր բարձր իշխանութեան ներքոյ, որ և մասամբ արդէն յաջողացրել է։ Գերմանիան իւր գլխաւոր ուշքը դարձել է Աֆրիկայի արեւելեան ափի և այդ ափի յետևը զանաւոր երկիրների վերայ, որտեղ «Գերմանական Արեւելեան-Աֆրիկական ընկերութեան» միջոցով ձեռք էր բերել ընդարձակ հողեր և կամ, նպաստաւոր պայմաններով տեղական իշխանների հետ, իւր ղերիշխանութեան ներքոյ էր բերել թէ ծովափեայ գիծը՝ Չանդիբար կղզու դիմաց և թէ նորա յետևի երկիրներից մի քանիսը։ Նոյն այդ տեղերում և Աֆրիկայի խորքերում տոկունութեամբ գործում էր նաև Անգլիան, որի համար վաղուց ճանապարհ էին հար-

Թել անգլիացի երեւելի ճանապարհորդներ, որպէս Սպիկ, Լիւինգստօն, Ստենլէյ և ուրիշներ: Այդ երկիրների առևտուրի գլխաւոր առարկան մինչ այժմ կազմում էր փղոսկրը, որը գլխաւորապէս այդ տեղի արարների ձեռքումն էր և որոնք իրանց առևտուրի ոյժը և հիմքը դրել էին ստրկութեան վերայ: Եւ որպէս Արևելեան Աֆրիկայի առևտրի նոյնպէս և ստրկութեան համար գլխաւոր շուկան (բազարը ծառայում էր Զանգիբար կղզու սուլթանութիւնը: Եւրոպացիք, հաստատ ոտք կոխելով այդ երկիրների վերայ, հանդիպեցին ստրկութեան, որը անհաշտելի է եւրոպական քաղաքակրթութեան հիմունքների հետ: Յարուցեց Արևելեան Աֆրիկայում ստրկութիւնը և դորա հետ կապած գերեզմառութիւնը վերացնելու խնդիրը, գլխաւորապէս նախաձեռնութեամբ կարդինալ Լաւիժըրի, որի ջանքերով կայացաւ անցեալ տարի Բեյզիայի Բրիտէյ քաղաքում մի կոնգրէս աֆրիկական հակա-գերեզմառական կոնգրէս՝ բոլոր այն պետութիւնների ներկայացուցիչներից, որոնք Աֆրիկայում կոլոնիաներ ունեն՝ Մնգիլա, Պրանսիա, Պորտուգալիա, Բեյզիա, Հոլլանդիա և այլն: Այդ կոնգրէսը իւր պարապմունքները վերջացրեց անցեալ յունիս ամսին և որոշւեցին այն միջոցները, որոնցով պէտք է կռւել գերեզմառութեան դէմ: Զանգիբարի սուլթանը գեւա ևս անցեալ տարի վերացրեց իւր սուլթանութեան մէջ գերեզմառութիւնը: Կոնգրէսի վերջնական ակտը ստորագրել են արդէն բոլոր ներկայացուցիչները, բացի Հոլանդիայից, որը անշուշտ շուտով իւր համաձայնութիւնը կը տայ:

Վերջին տարիներում Աֆրիկան, և այստեղ խօսքը Աֆրիկայի խորքերի մասին է, դառել է այն ասպարէզը, ուր եւրոպական պետութիւնների կոլոնիական քաղաքականութիւնը այն գերն է կատարում, ինչ կատարեց նա դարեր առաջ Ամերիկայում: Աֆրիկան այժմ բաժանւում է եւրոպական մի քանի մեծ և փոքր պետութիւնների մէջ: Մինչ այս վերջին ժամանակները Աֆրիկայի հագգին ցամաքի միայն ափերն էին ճանաչւած և մասամբ բռնւած եւրոպացիներից՝ Հիւսիսը՝ (Միջերկրական ծովի հարաւային ափը), Արևմուտքը և Հարաւը: Բայց խորքերը չէին ճանաչւած: Ներկայ ժամանակների առկանշանաւոր ճանապարհորդ Ստենլէյի խուզարկութիւններով Եւրոպան ճանաչեց Կոնգօ մեծ աֆրիկական գետի և

նորա ողորդած ընդարձակ երկիրների հետ. և ահա, այստեղ է որ Եւրոպական մրցումը սկսեց: Որպէս զի պետութիւններից մէկը կամ միւսը չը տիրապետէ այդ երկիրներին և խաղաղ մրցմանը արգելք չը լինի, Բիսմարկի նախաձեռնութեամբ կայացաւ մի տասնեակ տարի առաջ Բերլինի կոնգրէսը՝ Կոնգո-կոնգրէս անունով, ուր վճռեց Կոնգոյի երկիրներից կազմել մի առանձին պետութիւն և նորա թագաւոր ճանաչել Բելգիայի ներկայ թագաւորին, սահմանելով առաջուց բոլոր պայմանները այդ երկրի կառավարութեան և միւս պետութիւնների հետ ունենալիք քաղաքական և առևտրական յարաբերութիւնների: Այդպիսով Աֆրիկայի մի ընդարձակ մասը զրեց ապահով դրութեան մէջ: Իսկ Կոնգոյի պետութիւնը Աֆրիկայի հարաւային—արևմտեան տրոպիկական երկիրներիցն է: Նորա արևելեան սահմանները խորը մտնում են Աֆրիկայի մէջ:

Այժմ խնդիրը Արևելեան Աֆրիկան է՝ Կոնգոյի հակառակ կողմը: Եւ ահա այդտեղ է, որ սկսեց գործել գերմանական Արևելեան-Աֆրիկական ընկերութիւնը, մրցելով անգլիական ընկերութիւնների հետ: Մեծ են այդ գործում գերմանական կառավարութեան կոմիսար մայօր-ֆոն Վիսմանի և դր. Պետերսի ծառայութիւնները, որոնց արշաւանքների և ցեղապետների հետ կապած դաշնադրութիւնների շնորհիւ գերմանացիք այժմեայ բարձր դիրքը ձեռք բերին Արևելեան-Աֆրիկայում:

Տարիների ընթացքում գերմանացոց և անգլիացոց ձեռք բերած երկիրները Արևելեան-Աֆրիկայում կազմեցին մի խառնուրդ, և մէկի սահմանները այնքան յաճախ դիպչում էին միւսի սահմաններին, որ մրցութիւնը իրար հետ տեղիք էր տալիս անընդհատ անբաւականութիւնների այդ երկու ազգերի ներկայացուցիչների մէջ: Եւ որովհետեւ Գերմանիան, որպէս ասացինք սկզբում, աշխատում է խոյս տալ որ և է թշնամական ընդհարումից Անգլիայի հետ, և Անգլիայի այժմեայ մինիստրութիւնը (Սոլսբրի)՝ Գերմանիայի հետ, ուստի այդ երկու կառավարութիւնները վճռեցին արևելեան Աֆրիկայում ստեղծել այդ երկու ազգերի գործունէութեան և տիրապետութեան համար նոր սահմաններ, մէկը միւսին զիջանելով այն, ինչ մէկի կամ միւսի համար առանձին արժէք ունի:

Այստեղ կարևորը այն է, որ Եւրոպայում իրար հետ հաշտ մնա-

լու համար, ուրիմն քաղաքական ընդհանուր բարեկամութիւնը ամրացնելու համար, երկու պետութիւններ համաձայնում են երկիրների տիրապետութեան մէջ իրար զիջողութիւն անել, մէկի հողը միւսին տալ, նոր սահմաններ որոշել: Կա մի նոր ապացոյց է, թէ որքան մեծ է Գերմանիայի կողմից ցանկութիւնը Անգլիայի հետ բարեկամութիւն պահպանել, այդ բարեկամութիւնից եւրոպական քաղաքականութեան խնդիրներում աւելի ապահով կերպով օգուելու համար, որովհետեւ, ինչպէս կը տեսնենք ներքեւ, Գերմանիան, հողերի տարածութեան կողմից, այդ համաձայնութեան մէջ բաւական մեծ կորուստ է կրել:

Երկրորդ կարեւոր կէտը այդ համաձայնութեան մէջ այն է, որ Անգլիան, իբր վարձատրութիւն գերմանական զիջումների Աֆրիկայում, զիջել է Գերմանիային մի փոքրիկ կտոր հող Եւրոպայում, այն է՝ Գերմանիայի հիւսիսային սահմանին շատ մօտ գտնւած Հելգոլանդ կղզին Գերմանական ծովում, որի բնակիչները գերմանական ծագում և լեզուն ունեն այնպէս որ կղզին՝ Անգլիացոց ձեռքում՝ Գերմանիայի համար աչքի փուշ էր:

Երրորդ, Անգլո-Գերմանական համաձայնութիւնը կարեւոր է նաեւ որպէս սկզբունք: Թէև պատմութեան մէջ դա մի նորութիւն է, բայց անրաւականութիւնների առաջն առնելու այդ ձևը ստանաւ է այժմ նոր գործադրութիւն և նոր ոյժ ¹⁾: Նոյնանման տարածապ-

¹⁾ Գերմանիան, որ հազիւ տասը տարի սկսել է գաղթական քաղաքականութիւնը, այժմ արդէն բաւականին երկիրներ և իրաւունքներ է ձեռք բերել: Այդ երկիրներն են՝ Լաուրուն, Տօգօ և Հարաւ-Արեւմտեան Աֆրիկան, որոնք կառավարւում են գերմանական կաշտերութիւնից ուղղակի, ալսինքն սորա հաշով և սորա նշանակած պաշտօնականերով, լատու Նոր-Գւինէա, որը նմանապէս կառավարւում է կաշտերական պաշտօնականերով և ծախքերով, բայց այդ ծախքերը պէտք է վերադարձնեն կաշտերական պաշտպանութեան ներքոյ գտնւած Նոր-Գւինէիան առևարական ընկերութիւնը, վերջապէս գերմանական Արեւելեան-Աֆրիկան, ուր իշխանութիւնը բանեցնում էր մի ընկերութիւն (գերմանական-արևելա-աֆրիկական ընկերութիւն) իւր պաշտօնականերով: Այդ ընկերութիւնն էր, որը ինքնագլուխ սկսեց իւր գործունէութիւնը, անկախ գերմանական կառավարութիւնից. բայց երբ 188 թ. ապրտամբութիւն ծագեց այդ ընկերութեան դէմ, վերջինս կարօտութիւն զգաց 6—10 միլլիօն մարկ (2—3¹/₃ միլլիօն

նութիւններ կօլօնիական խնդիրներում կան այժմ նաև Ֆրանսիայի և Անգլիայի մէջ և հաւանական է, որ զոքա ևս կը յարթուեն նման ճանապարհով:

Զորորդ, վերջապէս, նկատենք, որ անգլո-գերմանական համաձայնութեան մէջ սկզբունքի զօրութիւն է ստանում այն, որ ում պատկանում է ծովի եզերքի դիծը, այդ գծի յետևը գտնւած երկիրն ևս (գերմաներէն խօսքով հինտերլանդ-Hinterland, և այս խօսքը նաև ուրիշ ազգեր էլ սկսում են գործածել), թէև նա չը բռնւած էլ լինի, նոյն պետութեան պատկանելիք է համարում: Այսպէս, Զանզիբար կղզու յիմաց աֆրիկական ցամաքի ծովեզերքը գերմանական է ճանաչւած, և այդ պատճառով էլ նորա յետևի երկիրը (հինտերլանդ) նոյնպէս թողած է Գերմանիային:

Անգլո-գերմանական համաձայնութեան հիման վերայ Գերմանիան պարտաւորւում է չը հակառակել, որ Անգլիան հովանաւորութեան տակն առնէ Զանզիբար կղզու սուլթանութեան որպէս նաև Վիտու երկրի սուլթանութիւնը՝ և սորանից կախումն ունեցող երկար ծովեզերայ գիծը դէպի հիւսիս Վիտուի հետ անգլիացիք երկարամեայ յարաբերութիւններ չեն ունեցած. այժմ նա կարևոր նշանակութիւն է ստացել շնորհիւ այն մեծ երկրի՝ Ծովեզրից սկսած մինչ Վիկտորիա նիանցա մեծ լիճը, որ ձեռք է բերած Անգլիական Արևելեան-Աֆրիկական Ընկերութիւնը: Մինչև որ Վիտուի սուլթանութիւնը գերմանացոց ձեռքին էր, սոքա միշտ կարող էին արշաւանքներ անել անգլիական հողերի հիւսիսային կողմերը, որով բրիտանական ազգեցութիւնը նեղոսի աղբիւրներից (Վիկտորիա նիանցա լճից) մինչև Ծովեզրից երկիրը՝ Արևելեան-Աֆրիկայի լեռների ստորոտը՝ միշտ զուրս կը մնար: Այժմ շնորհիւ գերմանացոց հետ կայացրած համաձայնու-

րութի) փոխարինութեան՝ պատերազմը վարելու և լետու տեղական զօրք և ոստիկանութիւն պահելու համար: Ընկերութիւնը զիմեց գերմանական կառավարութեան, որ սա երաջխաւոր է ալը փոխարինութեան տոմսակները: Բաց կաշտերութիւնը գերադասեց ինքը միջամտելու և ուղարկեց այնտեղ կաշտերական կոմիսար Վիսմանի, որը և խաղաղացրեց երկիրը և նորերս վերադարձաւ Բերլին: Այժմ գեռ ևս խնդիր է, թէ ով է իշխող տէրը Արևելեան-գերմանական Աֆրիկայի ալը Գերմանական Արևելեան-Աֆրիկական ընկերութիւնը, թէ Գերմանական կապերութիւնը:

Թեան, հետացրած է այստեղ որ և է մրցումն ուրիշի կողմից. և, բացի իտալական գերիշխանութիւնից Աբիսինիայի և սորանից կախած երկիրների վերայ՝ Անգլիացիք այլ ևս ոչ ոքի մրցումից վախենալու բան չունին մինչև Եգիպտոսի հարաւային սահմանները: Ի հարկէ, անգլիացիք, լիապէս օգտուելու համար այդ բոլորից, պէտք է իրանց ձեռքը գցեն Նեղոսի ամբողջ հովիտը, որը սակայն այժմ մահպիտոնների իշխանութեան ներքոյ է, որոնք այժմ կառաւարի Թըշնամիներն են անգլիացիներին. իսկ զոնէ այժմ անգլիացիները գործ կ'ունենան մի ասիական-աֆրիկական ցեղի հետ և ոչ թէ մի եւրոպական ասաջնակարգ պետութեան հետ, որպիսին է Գերմանիան:

Ինչ վերաբերում է Զանգիբար կղզու. սուլթանութեան, մինք արդէն նկատեցինք, որ այստեղ է կենդրոնացած Արևելեան-Աֆրիկայի մեծ առևտուրը, քանի որ նորա դիմացի աֆրիկական ծովափը, որ այժմ գերմանացիներին է պատկանում, չունի նաւահանգստի յարմար տեղեր: Ներկայ անգլո-գերմանական համաձայնութեան ամենակարևոր կէտը հենց այն է, ինչ վերաբերում է Զանգիբարին. դորանով Անգլիացիք տէր կը լինեն Արևելեան Աֆրիկայի առևտրական շուկային և շուտով կը հեռացնեն այդ կղզուց գերմանացիներին, որոնք մինչ այժմ կարևոր իրաւունքներ էին ձեռք բերել այդտեղ: (Ի միջի այլոց գերման. Արևել. աֆրիկական ընկերութիւնը ձեռք էր բերել Զանգիբարի նախկին սուլթանից երկրի մաքսային եկամուտները):

Նկատենք սակայն, որ 1862 թւականին Ֆրանսիայի և Անգլիայի մէջ կայացած մի համաձայնութեան զօրութեամբ՝ այդ երկու տէրութիւնները պարտաւորւել են իրար՝ իրանց իշխանութեան ներքոյ չ'առնել Զանգիբարը, այդ պատճառով այժմ Ֆրանսիան ժխտում է Անգլիայի իրաւունքը առանց Ֆրանսիայի համաձայնութեան Զանգիբարի վերայ գերիշխանութեան իրաւունքներ հաստատել: Իւր համաձայնութիւնը ստանալու համար Ֆրանսիան այժմ մի քանի պահանջներ է անում Անգլիայից, որոնց մասին մենք կը խօսենք մի այլ առթով, երբ այդ պահանջների մասին այժմեան բանակցութիւնները վերջացրած կը լինեն: (Նրևում է, որ դորա փոխարէն Ֆրանսիան պահանջում է, որ Անգլիան հրաժարւի այն առանձնաշնորհումներից, որ սա ունի այժմ Ֆրանսիական դաւած

Տունիսիայում, որով նաև Խալիան ստիպւած կը լինի իւր առանձնաշնորհումներից հրաժարելու, և ընդունել, իբր ֆրանսիական, Ալժիրիայի հարաւում դնուած երկիրը (հինտերլանդ!):

Այդ բոլոր կամաւոր կորուստների փոխարէն Գերմանիան ստանում է գերմանական արևելեան Ալժիրիայի հինտերլանդը (լեակի երկիրը), որը տարածւում է Տանգանիկա լճի հիւսիսային մասի վերայով մինչև Կոնգոի տէրութեան սահմանը, և Ներուպայուս շէլզօլանդ կղզին, որի ամբողջ տարածութիւնն է հազիւ կէս քառակուսի վերստ, առանց յարմարութիւնների նաւահանգստի համար: Այդ կղզին ոչ մի պատերազմական նշանակութիւն չունէր Անգլիայի համար և դրականապէս ոչինչ չի կորցնում Անգլիան, տալով նորան Գերմանիային: Իսկ լորդ Սոլսբերիի ասելով, այդ կղզին, մի պատերազմի դէպքում Գերմանիայի հետ, բաւական չէ որ անօգուտ կը լինէր Անգլիային, նա այնքան հեշտութեամբ կարող է զրաւել գերմանական նաւաստորմիջից, որ պատճառ կը լինէր անգլիացիների անպատուելուն: Այդ կղզին Անգլիան վերցրեց Դանիմարքից 1807 թ., երբ սա բռնեց նապօլէօնի կողմը. նոյն այդ պատճառով Դանիմարքից իւրեց նօրւեգիան և միացրեց Շվեդիայի հետ, քանի որ Շվեդիան Անգլիայի կողմէր՝ նապօլէօնի դէմ: Այդ ժամանակ նապօլէօնը, Անգլիային ստիպելու համար իրան հնազանդւել, արգելեց Ներուպային որ և է յարաբերութիւն ունենալ Անգլիայի հետ, այնպէս որ Անգլիայի առևտուրը պահպանւում էր կօնտրաբանդով միայն: Եւ ահա հենց դորա համար շահ կար Անգլիայի համար շէլզօլանդը իւր ձեռքը գցել, քանի որ նա շատ մօտ է ցամաքին:

Դորանից դուրս այդ կղզուց երբէք մի շահ չի ունեցել Անգլիան, որի առևտուրը այդ կղզու հետ տարեկան 500 բուբլուց աւելի չէ:

Ասացինք, որ Գերմանիայի ձեռքին մնում է Չանդիբարի դիմացի ալժիրիական ծովկըրը նորան կպած երկրով, որը երկար տարածւում է Տանգանիկա լճի հիւսիսային մասի վերայով մինչև Կոնգոի պետութեան սահմանը: Այդ լճի հարաւային երկիրը մնում է Անգլիացոց ձեռքում: Սօլսբերին կարծում է, որ հազիւ թէ դորանով յաջողի գերմանացիներին առևտրական ճանապարհ ստեղծել ծովկըրից մինչև Կոնգոի պետութիւնը, որովհետև առևտուրը սիրում է փի

որ և իցէ գետի ընթացքով՝ զարգանալ, իսկ գերմանացոց հողերի ուղղութիւնով՝ արեւելքից արեւմուտք այգալիսի դէտ չը կայ:

Ահա այս է, ինչ կոչուած է անգլո-գերմանական համաձայնութիւնը, որը այս վերջին երկու ամիսները այսքան զրազեցնում է եւրոպական, մանաւանդ անգլիական և գերմանական մամուլին: Նկատենք, որ գերմանական կայսր Վիլհէլմ II այս համաձայնութիւնը կայացրել է շատ շուտափոյթ կերպով և շատ գաղտնի կերպով, այնպէս որ դործին անսեղեակ են մնացել, նոյն իսկ ինչորին ամենամօտիկ մարդիկ, և առանց խորհրդի սոցա կողմից: Գերմանական մամուլի մեծամասնութիւնը ընդունեց այդ լուրը վշտացած, որ Անգլիայի բարեկամութեան համար գերմանական կայսրը այնքան բան դոհեց Աֆրիկայում, քանի որ շեղօյանդը ոչ մի կերպ չի կարող վարձատրութիւն համարել այնքան կորուստների փոխարէն:

Անգլիացիք և նոյն իսկ ներկայ մինիստրութեան հակառակորդները ստիպւած են խոստովանելու, որ լօրդ օֆ Սօլսբերին իր այս աւաւետութիւն մէջ Գերմանիայի հետ լաւ գործ է տարել: Նոյն գոհ են: Նկատենք, որ Վիլհէլմ II-ը սորանով աւաջին մեծ զիպլամաւիական գործն է որ կատարեց Բիսմարկի հրաժարականից յետոյ...

Շ.